

Chest ebook al è stât realizât cul program Bookcreator.

Par podê sfueâlu tu âs di discjamâ il

program Bookcreator e po vierzi il link:

https://read.bookcreator.com/r5ygRaEpJNZzSfGDu5fDVUTswru2/8an117y_Ts2JEUCnmt8bJA

PAR NO
PIERDI LA
NESTRE
LENGHE



Scuele primarie "Don Giovanni Bosco" di
Tavagnà
an scolastic 2019/20 classe 5A
Mestre Nadia Renzini

Chescj o sin nô



La nestre aule cul nestri calendari



Il vier de setemane



Il tren dai mêș



Inte fieste pes Fuarcis Armadis nô
o vin recitât “Stelutis alpinis” di
Arturo Zardini acompagnâts di un
violin sunât dal pari di Gioele..



LA TUMBARE

Une sabide cu la
mestre Nadia o sin
lâts a viodi la
Tumbare di Merêt di
Tombe une vore
impuartante e il
cjastelîr di Savalons.

Il sot de tiere al è a
strâts: ognidun nus
conte alc dal passât.
Nome un espert
archeolic o un gjeolic
a rivin a decifrâlu.



Une zovine vuide nus e à spleade la storie di cheste tombe e ce che i studios a àn cjatât tal sgjâf e inte fuesse.

I studis che a son stâts fats te mutare di Merêt a àn permetût di scuvierzi cierts aspjets de tecniche e dai materiâi che a vignivin doprâts, ma ancje che che al viveve te zone.



Dai rescj de tombe e je stade ricostruide la muse dal zovin dissepulît.



Cjastelîr

Plui o mancûl 1500 agns prime di Crist, in Friûl la popolazion e je cressude, in gracie dal fat che si veve imparât a coltivâ la tiere cun sistemis gnûfs e si veve cussì podût molâ di fâ une vite nomadiche. Cussì si à scomençât a fâ sù vilis fortificadis, i cjastelîrs.

Il cjastelîr di Savalons al è tal mieç dai cjamps a Nord-Est dal paîs di Merêt. Al à une plante cuadrangolâr cui cjantons orientâts viers i ponts cardinâi. In ogni cjanton e jere une puarte che e permeteve di jentrâ dentri te cente. Cjamps e broillis coltivâts a jerin ducj ator dal cjastelîr.



Nô o vin discuvierit che il studi des tumbaris e dai cjastelîrs al tache tal Sietcent, ma al fo soledut tal Nûfcent che i studiôs a tacarin a classificâlis vint intivade la lôr impuartance.

LA RECITE DI NADÂL

Pe fieste di Nadâl o vin preparât une
biele recite che e conte la origin de
tradizion dal çoc di Nadâl: cuntun test
cjapât di "Stait a scoltâ, stait a sinti ...
Leggende friulane" di Dolfo Zorzut
1954. che cussì al conte...

Il çoc di Nadâl

A son agnorums che intune
cjasute fûr di man des bandis di
Betlem al viveve un puar vecjut,
tant puar che no us dîs, e al
veve za plui di otante agns [...]
Une gnot, tal cûr dal Invier, chest
vecjut si dismôf: denant de sô
cjasute al sint che cualchidun al
dîs [...] che al è nassût te stale
un fantulin. [...]




E vie lui, chel vecjut, vie pe gnot. Al rive ancje ta chê stale e li al viôt Sant Josef e po la Madone cul Bambin, a pene nassût, sul grim. [...] Cence dî nuie altri, al cjape sù la manarie e jù un biel colp! E salte vie ancje une faliscje. [...] Propit cussì al diseve so pari: "Cuant che fûr di chest çoc a svolaran vie faliscjis di fûc denant di un bambin a pene nassût, al volarà dî che chel bambin al è il Redentôr. Viôt dî bagnâ inalore il çoc cu la sgnape par che il cjalt si fasi sintî di plui. [...] E cussì dopo di chê volte ancjemò in dì di vuê par ricuardâ il bon cûr dal vecjut e il miracul dal çoc, la vilie di Nadâl, prin di lâ a Madîns cu la femine e i fruts, il paron di cjase al benedîs cu la sgnape il çoc. [...]



BOT E SCLOP
o vin
scugnûr restâ
a cjase

Dulà sêso?



**Lis
scuelis
sieradis**

MANS NETIS VIE LIS BESTEATIS!





Noaltris o vin scugnût
imparâ la impuartance
di lavâsi lis mans e
ancje altris regulis par
no cjapâ il virus.

Laviti lis mans
daspò di vê zuiât cuntun animalut
prime di mangjâ
co tu âs zuiât di fûr
co tu ti sês soflât il nâs, tu âs
starnudât o tossût
prime di tocjâti i voi o un tai
co tu sês lat in bagn



DIDATICHE DI LONTAN

Nô o vin puartât indenant lis
lezions cul ordenadôr e cu
lis conferencis, cjalant
videos e lis mestris.



Imparant simpri tantis robis ancje par
furlan come cheste poesie:
"E je tornade Primevere"

AI 3 DI AVRÎL LA FIESTE DAL FRIÛL


Nô o vin imparât ce
che si festeze il 3 di
Avrîl: la nassite de
Patrie dal Friûl tal
1077, cuant che
Enrico IV al creà il
principât di Aquilee.

**Mestre parcè il
3 di Avrîl ise la
fieste dal
Friûl?**



LA FIESTE DE MAME

Pe fieste de mame o vin recitât une poesie e o vin mandât l'audio ae mestre.



Pasche e tradiziuns

Gracie ae trasmission Maman o vin imparât a piturâ ûfs dûrs cun colorants alimentârs, asê e aghe bulinte.

Prin dal cristianisim l'ûf al rapresentave la rinassite de nature in Primevere, cul cristianisim al devente il simbul de rinassite dal om, di Jesù.



AQUILEE

Chest an o vin studiât i Romans
cussì o vin fevelât di Aquilee, citât
fondade dai Romans par controlâ
i confins de l'imperi.



**Savêso che par furlan
no si use la letare Q?
Si dopre dome
par cualchi non di
citât, come Aquilee.**



LA VOLPUTE TINDE



Pe fin de scuele o vevin decidût di rapresentâ une recite par furlan suntune storiute di une bolp che si piert tal bosc e e cjate diviers animâi. Pecjât che la sierade de scuele no nus à permetût di lâ indenant cui lavôrs di preparazion.



NÒ È CUMÒ
PE O SIN PRONTS
MA SCUELE MEDIE
O PRIME
O FASÌN
LIS VACANCIS.

MANDI A DUCJ
DE CUIINTE DI
TAVAGNÀ

AN SCOLASTIC
2019/2020

